


www.BibleForChildren.org

Matiu 26



Ku le jam
tali daa
ɲayuebi
ate Juuma
Gaambasika Tigini
a paari la, Yeezu a yaa
ɲman cheɲ Betani tɛɲka.
Lazarus waai ate Yeezu
a jam nak wa a yiti kumu
po la yenni. Mɛɛri yaa
ta kpaam ate bunyum
amasa ate bu ligraɲa me
a pagra nna yegayega a
nyo kpaam cheɲbili po.




Ba le jam
boro a de la,
wa yaa ta bu a
jam a pa bu meena
a kpiiri a basi Yeezu
nansana nying a yaa le
ge a yigi wa zukku
zuisana a bili si. Yenni
meena a jam a sueri
ale ka kpaamu
nyummu.



Dula jigini Yeezu naanviirima pi ale bayewa po wanyi,
waai ate ba a wi ayen Judas Iskariot la a yaa chen
Juuma Puusika Yenni kpanja jigi a ga
weeni ba ayen wa бага a maari
ba kama ate ba a yik Yeezu.
Ba ale ga wom dila la, ba sue
a yaa peenti m na yegayega,
ate ba weeni wa ayen wa dan
бага a maari ba, ba
le te wa ligra. Judas
a yaa basi dula jigini
ale a gisi siuk
kuui wa le
wa va ate ba
бага a yik
Yeezu la.



Wa ɲaanyiiirima a yaa cheɲ ga nyɛ
dii ate wa weeni la a yaa dik
ɲandiintaɲa dula jigini. Ba le jam
boro a de la, Yeezu yaa pa
boroboruk a puusi a te Naawen ayen
wa niak ku. Wa le puusi a te Naawen
a nueri la, wa yaa we boroboruku a
chari wa ɲaanyiiirima ale weeni ba
ayen, “Ka mi nyiɲka ale nna.
Ni ɲɔa a ɲobi.”



Wa yaa nman pai beerik ale daam
a puusi a te Naawen ayen wa niak
bu. Wa le puusi a te Naawen a
nueri la, wa yaa pai a te ba ale
weeni ba ayen, “Ka mi ziimu ale
nna. Ni nɔa a nyu. M le pa bu a te
nuruba yegayega, ate Naawen a
von ba tuimbaataɲa a te ba.
M dan nɛ dila, ku le sak
ayen wa ale wa
nuruma a ta ka
noayen ale
chaab.”



“Simon, Simon kpesi fi dek ale Sitaana a juisi ka siuk
ayen wa nye ni meena a nya. Wa ale yeeri nan
manjana nan baatana po, ase kparo ale yali votta a
basi ale a ge nan biena dii la. Alege, mi puusi Naawen
a te fi Simon kama ayen fi kan basi fi siaka. Fi dan tagri
a siak mi noai ase ti ale poom a nye dii yogyogla la ku
a fe kama ate fi nye
ate fi suaatana a
ta pagrim me.”




Simon Piita yaa tulisi wa ayen, “M Nyono, mi gomsu magsi kama ayen m maa va fu a chen likka dok a yaase m kpi ale fu.” Yeezu yaa weeni wa ayen, “Mi a le a weeni fi Piita ayen, fi ale pagsi ku noai buta ayen fi ze mi, alege ate kpadiaka a kum.”



Ba yaa jam paari jigi ate ba
a wi ayen Getsemani, ate
Yeezu a yaa weeni wa
njaanviirima ayen, “Ni
kali dela ate m chenj a
ga puusi a te Naawen
abe m jam.” Wa puusi a
te Naawen kama ayen,
“M Koa, fi baga a nyc
wari meena kama. Yeeri
ninammu de m jigi a basi.
Alege, nyc fi dek ale a
yaali dii la, daa mi ale
a yaali dii la.”



Juuma Puusika Yenni kpanja ale Farisiima a yaa tigsii
sojiba ale baai ale jam a limsi Juuma Puusika Yenni la
jigi yenj ate Judas a yaa de ba ninj a ta ba chen
juujui ate ba vuk tiisanja la ayen ba yik Yeezu.
Ba jam a pa ka ba gebi wonsa ale
ba kanaasa ale do wonja. Ba
wanyii a yaa deri che Juuma
Puusika Yenni kpagi kpeeni
tomteeroma po wanyii juga
turi. Yeezu yaa weeni ba
ayen, “Dila magsi kama”.
Wa yaa tiri nuruwa
tunni ate di deri nueri.



Ba yaa yik wa a ta wa chen Juuma Puusika Yenni kpagi
kpeeni yenni. Piita yaa wari naan a chen a vi. Ba ale
jam toati bolim yenni
dabiaka po a maa
chaab a kali la,
Piita jam maa bo
ba po kama.




Juuma Puusika Yenni
kpagi kpeeni yomma po
wanyi a jam ka nuru
waai ate Piita a jam a
gebi wa tunni la suok.
Wa yaa weeni Piita ayen,
“Daa fi ale nuru wala ate mi
a poom nya ni juijui ate ba vuk
tiisanja la?” Piita nman pagsi
ayen, “Aawo, daa mi.” Wa ale
ga weeni dila la, vari kpadiaka
a yaa deri kum. Piita ale ga
teeri dila la, wa yaa nyini
peelim kum nna yegayega.




Nisomma meena yaa yiri ta Yeezu
a chenj Gominawa Paalot jigi.
Gominawa Paalot a yaa bek wa ayen,
“Ka fi ale Juuma naawa la?” Yeezu
yaa tulisi wa ayen, “Fi ale weeni.”
Paalot yaa nman biisi
ale ba a yaali ayen wa
yeeri Yeezu a basi. Alege
nuruma a nman kaari ate

ku jueli nna yegayega a


weeni ayen, “Kpi wa jabarim
nyin, kpi wa jabarim nyin.”




Paalot a yaa jam weeni wa
sojima ayen ba ta Yeezu a chen
a ga kpi wa jabarimu nyin ate
wa kpi. Ba yaa deri yik wa.
Ba jam pai ka jabarim a te
Yeezu ayen wa ji ate ba chen
juijui ate Juuma a wi ale ba dek
tenka biika ayen, “Golgota” la.
Dula jigini kiri a jam le
zokoluku jigini.



Ba le ga paari ku jigini la, ba
yaa pa wa a kpi jabarimu nyin.
Ba jam maa ta ka nuruba
baye a jam kpi njanbarinta
nyin dula jigini a
gum Yeezu po,
ate wanyi a bo
wa gala nwala
me a bo wa juga.



Wenbinni ale ga jueli wenzuk sunsun la, wenbinni a yaa
sobri ate ku yaa deri nye nna birim ate legi a yaa lik ten
kala meena a ta dila a jam paari kantuen ban buta, ate
garuk kpion kuui ate ba pa lik a kasi
buye Juuma Puusika Yenni po
la, a yaa jam cheeri poori
buye. Yeezu yaa kaari nna
yegayega ate ku jueli ayen,
“M Koa, m pa m chiika a
nyo fi nisima po”. Wa
ale weeni dila la,
wa yaa deri kpi.



Nuru wanyi ale jam nyini tɛɲ
ate ba a wi ayen, Arimatia.
Wa yoi a jam ale Josefi.
Wa jam ka Juuma
boteeroma po wanyi
ate nuruba a zuli
wa nna
yegayega.

Wa jam kasim a
limsi ka diipo ate
Naawen ayen wa
jam chim naab
tɛɲzuk de a nya
tɛɲka meena la.



Da dii ale pa a te ba Vuusum
Danni la, ka da dii ate ba a
gomsa ba dek nalinnyiini a
limsi Vuusum Danni la.

Da dila danni junbai ate
wa yaa yiri ale popo
pagrim a chen

Paalot jigi aga saalim
wa ayen wa basi ate
wa ga yeeri Yeezu
nyinka jabarimu zuk
a ta chen ga gu.




Josefi a yaa basi dula jigini ale ge
chen ga da garuk a yaa ga yeeri
Yeezu nyinka jabarimu zuk a
yaa pa garuku apili ka a
ta ga dueni pun vorub
paalik po. Ten kala
demma a jam a gu
ba nuruma ka
pina vie po.

Wa ale nyc dila
a ga nueri la, wa
yaa bilim tintain
kpeeni a lik
punku vorumu
noanni.



Vari ale nman Veenti la, ba
Vuusum Danni saliuku Juuma
Puusika Yenni kpanja
ale Farisiima a yaa chen
Paalot jigi a weeni wa
ayen, “Ti deema teeri
velinvendika ale jam
boro la wa weeni
ayen, ‘Mle yiti kum

poku
daa nata
dai.”



“Ba yaa chen ga
daani tintanni ayen
waai dan bilim di abe
ba min a yaa le basi
ate sojima a limsi
vorumu.”






Ba Vuusum Danni ale taam la, Mɛɛri
Magdala ale Mɛɛri nwala a yaa
chenj ba nya juijui ate ba gu
Yeezu la. Tɛŋka yaa jam
choa nna yegayega,
ate sabiilo a nyini
wenɲmazuk a siŋ
bilim tintanni a
dueni nakpiak a
kali di
zuk.


Yogsum yaa yik
baai ale a limsi
vorumu la nna
yegayega ate ba
nyiŋsaŋa a gok
ate ba nyɛ nna
ase ba kpi la.



Sabiilowa a yaa weeni nipooma ayen,
“Ni kan chali yogsumoa, mi seba
ayen ni a gisi ka Yeezu waai
ate ba kpi wa jabarimu nying
la. Wa ka dela jigini, wa
yiti kum po kama ase
wa ale liŋ weeni ni
diila. Ni jam a nya
juijui ate ba pawa
a dueni
la.”



Ba yaa basi dula jigini ale supeentik a ga
weeni wa nyaŋviirima dii meena ate
sabiilowa a weeni ba la. Yeezu a
yaa tu ba dula jigini a yaa weeni
ba ayen, “Suyogini a bo ale ni.”
Ba yaa domsi kali a puusi wa.





Ku ale nman pilim ga nye maga la, Yeezu
naanyiirima pi ale wanyiwa a yaa jam kala a de
ba nandiinta ate Yeezu a yaa jam pa wa dek a
sak ba. Wa yaa toarin ba ayen ba ka nuru baai
ale kan ta siaka la. Ba tuenja a kpari ka nna
yegayega ate ba an бага siak ale baai ale jam
weeni a sak ba ayen ba nya wa kama ale wa yiri
kum po la. Nyonowa Yeezu ale biisi a ga nueri la,
wa yaa yiri a juei wenm mazuk a ga
kala Naawen juga gen.



Naawen a yaali tɛŋka meena demma
ka nna yegayega ate wa tom wa be
yeŋka ba jigi, ate baai ale ta siaka
ale wa la a kan kpi alege ba le
nya nyuvuri dii ale kan ta
kpeglimka la.



Aroom Demma 3:23 Nurubiik meena abe tom kaasi kama,
a yaa yalima ale Naawen zulaŋa.

Aroom Demma 6:23 Boan nyiŋŋa, biem tutuna ale kum a te
nuruba. Alege Naawen tiirimu ale nyuvuri dii ale kan ta
kpeglimka ate wa pa di a va Yeezu Kirisita ti Nyonowa nyiŋ
a te nuruba la.

Yiburu Demma 9:27 Ku a fe kama ayen nurubiik a kpi
bunyi dekki. Wa kan kpi buye. Wa dan ga kpi, Naawen le
bo wa buusa kama.

Efisos Demma 2:8,9 Naawen niaunku nyiŋ ale soa ate ni
nya varibasika ni siaka nyiŋ. Nama an jam бага a nyc
nyaku de ni dega, alege dii ate wa nyc a te ni la a jam ka
wa dek tiirim. Ka dila ale soa ate ni ka siuk a бага a ta
kanjanta ku nyiŋ la.



Aroom Demma 10:9,10 fi dan lak fi noai a weeni ayen,
“Yeezu ka Nyɔɔ”, a ta siaka fi sunum po ayen Naawen
nak wa a yiri kum po fi le nya varibasika kama. Dii nyiŋ la,
ku ka nuru a nin ta siaka wa sunum po ate

Jôôn 3:16,17 Naawen a nye ate wa a chim wayɔrisima
nyɔɔ. Nuru abe nin lak wa noai a weeni wa kaasun ate wa
nya varibasika. Naawen a yaali tɛŋka meena demma ka
nna yegayega ate wa tom wa be yɛŋka ba jigi, ate baai ale
ta siaka ale wa la a kan kpi alege ba le nya nyuvuri dii ale
kan ta kpeglimka la. Naawen an tom wa biika ayen wa jam
chim ka tɛŋzuk meena demma buteerɔ, alege wa jam chim
ka ba varibasido.



1 Jôôn 5:11-13 Ni wom Naawen ale biisi wa biika wie dii la ale nna. Wa pa ka wa nyuvuri dii ale kan ka kpeglimka la a nyo wa Biika nisima po ate wa Biika me a pa di a te tama. Waai ale Naawen Biika abe ale boro ale chaab la, wala a ta nyuvunni de kama. Waai ale Naawen Biika abe ale kan daa bunyi la, wala a maa ka nyuvunni de. Mi a nmarisi gban̄ka de a te ka nama ayen nama baai ale ta siaka ale Naawen Biika la ayen ni seba ayen ni ta nyuvuri dii ale kan ka kpeglimka la kama.



Matiu 26-28; Luuk 22-24; Jôôn 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Bili Bible (bwu) © 2003, Wycliffe Bible Translators, Inc. All
rights reserved.

<https://live.bible.is/bible/BWUTBL/MAT/1>

©2026 Bible for Children, Inc.

www.M1914.org

www.bibleforchildren.org

